


შ.პ.ს. „თბილსერვის ჯგუფი“



მობილური სატელეფონო ოპერატორის მომსახურების შესყიდვა
გამარტივებული ელექტრონული ტენდერის

სატენდერო დოკუმენტაცია

ქ. თბილისი

2012 წელი

სარჩევი

1. ინსტრუქცია ტენდერში მონაწილეობის	3;
2. სახელმწიფო შესყიდვების შესახებ ხელშეკრულების პროექტი	8;
3. ტექნიკური დოკუმენტაცია	13
4. გასაწევი მომსახურების ტექნიკური აღწერილობა	14
5. დამატებითი ინფორმაცია	16
6. დანართი № 1, აფიდავიტის საილუსტრაციო ფორმა	17
7. დანართი № 2	18
8. დანართი № 3	19

ინსტრუქცია

ტენდერში მონაწილეობის

1. სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის“ შესაბამისად;
2. სახელმწიფო შესყიდვების ერთიან ელექტრონულ სისტემა არის სახელმწიფო შესყიდვების ვებგვერდზე განთავსებული სახელმწიფო შესყიდვების პორტალი, რომელიც უზრუნველყოფს სახელმწიფო შესყიდვის განხორციელებას ელექტრონული ტენდერის ან გამარტივებული ელექტრონული ტენდერის მეშვეობით ღია, გამჭვირვალე და კონკურენტუნარიან გარემოში;
3. ტენდერის გამოცხადებისთანავე შეგიძლიათ გაეცნოთ სატენდერო განცხადებას და სატენდერო დოკუმენტაციას.
4. იმისათვის რომ ტენდერში მიიღოთ მონაწილეობა აუცილებელია „მიმწოდებლის სტატუსით“ იყოთ დარეგისტრირებული სახელმწიფო შესყიდვების ერთიან ელექტრონულ სისტემაში;
5. სატენდერო წინადადების წარდგენისათვის აუცილებელია ფანჯარაში „შეთავაზებები“ გაეცნოთ და დაეთანხმოთ აფიდავიტს (გაცნობას და თანხმობას ადასტურებთ სისტემის მეშვეობით). აფიდავიტის საილუსტრაციო ფორმა იხ. დანართი № 1;
6. აფიდავიტის შინაარსის გაცნობის და დათანხმების შემდეგ უნდა წარადგინოთ სატენდერო წინადადების უზრუნველყოფის ელექტრონული გარანტია შესყიდვის ობიექტის სავარაუდო ღირებულების 1 %-ის ოდენობით და გადაიხადოთ სატენდერო წინადადების საფასური – 50 ლარი;
7. ელექტრონული გარანტიის მოქმედების ვადა უნდა განისაზღვროს:
 - 7.1 გამარტივებული ელექტრონული ტენდერის შემთხვევაში – არანაკლებ 120 კალენდარული დღით „გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის“ 2-ე მუხლის პირველი პუნქტის „ღ“ ქვეპუნქტით (წინადადების მიღება დაწყებულია) გათვალისწინებული ეტაპიდან;
 - 7.2 ელექტრონული ტენდერის შემთხვევაში – არანაკლებ 160 კალენდარული დღით „გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის“ 2-ე მუხლის პირველი პუნქტის „ღ“ ქვეპუნქტით (წინადადების მიღება დაწყებულია) გათვალისწინებული ეტაპიდან;
8. საფასურის გადახდა და ელექტრონული გარანტიის წარდგენა ხორციელდება ელექტრონულად, სისტემის მეშვეობით ტექნიკური დოკუმენტაციის სისტემაში ატვირთვამდე. ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალების გაუმართაობის შემთხვევაში, ელექტრონული გარანტიის წარდგენა და საფასურის გადახდა შესაძლებელია განხორციელდეს სისტემის გამოყენების გარეშე. კერძოდ, ტექნიკური დოკუმენტაციის სისტემაში ატვირთვამდე ელექტრონული გარანტიის დედანი და

საფასურის გადახდის დამადასტურებელი დოკუმენტი წარედგინება შემსყიდველს;

9. ზემოაღნიშნული მოქმედებების შემდეგ თქვენ სისტემაში უნდა ატვირთოთ ტექნიკური დოკუმენტაცია.
10. ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ინფორმაცია, რომელიც მოთხოვნილია სატენდერო განცხადებითა და დოკუმენტაციით, გარდა საკვალიფიკაციო მონაცემების დამადასტურებელი დოკუმენტებისა.
11. სახელმწიფო შესყიდვების ერთიან ელექტრონულ სისტემაში ტექნიკური დოკუმენტაციის ატვირთვის შემდეგ წარადგინეთ სატენდერო წინადადების ფასი ყველა გადასახადის გათვალისწინებით, რომელიც არ უნდა აღემატებოდეს შესყიდვის სავარაუდო ღირებულებას ან უნდა იყოს შესყიდვის სავარაუდო ღირებულებაზე სულ მცირე ერთი ბიჯით ნაკლები;
12. სატენდერო წინადადების ფასის მითითებისთანავე თქვენ შესაძლებლობა გაქვთ მონაწილეობა მიიღოთ ელექტრონულ ვაჭრობაში, რომელიც არის მიმწოდებლის მიერ წინადადების ფასის შემცირების პროცედურა და მოიცავს ელექტრონული ვაჭრობის ძირითად დროსა და ელექტრონული ვაჭრობის დამატებით რაუნდებს;
13. ძირითად დროში უფლება გაქვთ ცვალოთ თქვენი ფასი კლებადობის პრინციპის გათვალისწინებით შემსყიდველის მიერ განსაზღვრულ ბიჯზე არანაკლები ოდენობით;
14. ბიჯი არის შემსყიდველი ორგანიზაციის მიერ სატენდერო წინადადების ფასის კლების წინასწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში;
15. ძირითადი დროის დასრულების შემდეგ იწყება ვაჭრობის დამატებითი სამი რაუნდი. თითოეულ დამატებით რაუნდში ელექტრონული სისტემის მეშვეობით პრეტენდენტს უფლება აქვს მხოლოდ ერთხელ შეამციროთ წინადადების ფასი, რისთვისაც განსაზღვრულია ორი წუთი. ვაჭრობაში მონაწილეობა არ არის სავალდებულო. ასეთ შემთხვევაში ძალაში რჩება თქვენს მიერ ბოლოს დაფიქსირებული ფასი;
16. დამატებით რაუნდებში მონაწილე პრეტენდენტის მიერ ფასის ცვლა ხორციელდება რიგითობით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი ფასის მიხედვით, კერძოდ, პირველ რაუნდში პირველად შეთავაზებას აკეთებს ის პრეტენდენტი, რომელმაც ძირითად დროში ყველაზე მაღალი ფასი დააფიქსირა, მეორე და მესამე რაუნდში ის პრეტენდენტი, რომელმაც ამ რაუნდის დასაწყისისათვის ყველაზე მაღალი ფასი აქვს დაფიქსირებული. წინადადების თანაბარი ფასების დაფიქსირების შემთხვევაში, რაუნდში პირველ შეთავაზებას აკეთებს ის პრეტენდენტი, რომელმაც ბოლომ დააფიქსირა ასეთი ფასი;
17. დამატებითი რაუნდების დასრულებისთანავე სისტემა აჯგუფებს პრეტენდენტებს სატენდერო წინადადების ფასის მიხედვით, რის შემდეგაც შემსყიდველი ორგანიზაცია ამოწმებს ყველაზე დაბალი ფასის მქონე პრეტენდენტის ტექნიკურ დოკუმენტაციას. იმ შემთხვევაში, თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს

უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი;

18. იმ შემთხვევაში თუ პრეტენდენტის სატენდერო წინადადება შეესაბამება სატენდერო განცხადებისა და დოკუმენტაციის მოთხოვნებს, შემსყიდველი ორგანიზაცია მიმართავს მას საკვალიფიკაციო მონაცემების დამადასტურებელი დოკუმენტების წარმოდგენის წინადადებით, რისთვისაც განუსაზღვრავს ვადას არაუმეტეს 5 დღისა;

19. თუ ყველაზე დაბალი ფასის მქონე პრეტენდენტმა წარმატებით გაიარა ყველა ზემოხსენებული ეტაპი, ამ პრეტენდენტის მიერ საკვალიფიკაციო მონაცემების დამადასტურებელი დოკუმენტების წარმოდგენიდან არაუგვიანეს 5 სამუშაო დღისა შემსყიდველი ორგანიზაცია დებს მასთან სახელმწიფო შესყიდვების შესახებ ხელშეკრულებას;

20. საკვალიფიკაციო მონაცემების დამადასტურებელი დოკუმენტების გაცემის თარიღი არ უნდა უსწრებდეს:

20.1 გამარტივებული ელექტრონული ტენდერის შემთხვევაში - „გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის“ 2 მუხლის პირველი პუნქტის „კ“ ქვეპუნქტით გათვალისწინებული ეტაპის (ტენდერი გამოცხადებულია) დაწყების თარიღს, არარეზიდენტი პრეტენდენტის შემთხვევაში „გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის“ მე-2 მუხლის პირველი პუნქტის „კ“ ქვეპუნქტით გათვალისწინებული ეტაპის დაწყებამდე არაუგვიანეს 30 დღისა;

20.2 ელექტრონული ტენდერის შემთხვევაში – „გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის“ 2-ე მუხლის პირველი პუნქტის „დ“ ქვეპუნქტით (წინადადების მიღება დაწყებულია) გათვალისწინებული ეტაპის დაწყების თარიღს, არარეზიდენტი პრეტენდენტის შემთხვევაში „გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის“ მე-2 მუხლის პირველი პუნქტის „დ“ ქვეპუნქტით გათვალისწინებული ეტაპის დაწყებამდე არაუგვიანეს 30 დღისა;

21. თუ პრეტენდენტის მიერ წარმოდგენილი ტექნიკური დოკუმენტაცია არ შეესაბამება სატენდერო განცხადებას და სატენდერო დოკუმენტაციით განსაზღვრულ მოთხოვნებს, შემსყიდველი ორგანიზაცია პრეტენდენტს განუსაზღვრავს ვადას არაუმეტეს 3 სამუშაო დღისა ტექნიკური დოკუმენტაციის დაზუსტებისათვის. დაუშვებელია ტექნიკური დოკუმენტაციის ისეთი დაზუსტება, რომელიც გამოიწვევს სატენდერო წინადადების არსებით ცვლილებას და გავლენას მოახდენს ფასზე. ასეთ შემთხვევაში ხდება პრეტენდენტის დისკვალიფიკაცია;

22. წინამდებარე ინსტრუქციის 21-ე პუნქტში დასახელებული შემთხვევის გარდა, პრეტენდენტის დისკვალიფიკაცია ხდება ასევე, საკვალიფიკაციო მონაცემების დამადასტურებელი დოკუმენტების წარმოდგენლობის ან ხარვეზის მქონე მონაცემების წარმოდგენის შემთხვევაში.

23. წინამდებარე ინსტრუქციის 21-ე და 22-ე პუნქტებით გათვალისწინებული შემთხვევების გარდა, პრეტენდენტის დისკვალიფიკაცია ხდება ასევე შემდეგ შემთხვევებში:

- 23.1 თუ პრეტენდენტი უარს განაცხადებს მის მიერ წარმოდგენილ სატენდერო წინადადებაზე;
- 23.2 თუ გამარჯვებული პრეტენდენტი უარს განაცხადებს ხელშეკრულების დადებაზე ან ვერ წარმოადგენს ხელშეკრულების უზრუნველყოფის გარანტიას (ასეთის არსებობის შემთხვევაში) კანონმდებლობით დადგენილ ვადებში;
- 23.3 პრეტენდენტის მიერ არაკეთილსინდისიერი ქმედების განხორციელებისას;
- 23.4 კანონმდებლობით გათვალისწინებულ სხვა შემთხვევებში;
24. ინსტრუქციის 21-23 პუნქტებით გათვალისწინებულ შემთხვევებში პრეტენდენტის დისკვალიფიკაციისას შემსყიდველი ორგანიზაცია უფლებამოსილია მიმართოს ყველაზე დაბალი ფასის მქონე მომდევნო პრეტენდენტს, თუ ამ უკანასკნელის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს;
25. სატენდერო კომისია უფლებამოსილია შეწყვიტოს ტენდერის პროცედურა შემდეგ შემთხვევებში:
- 25.1 ყველაზე დაბალი ფასის მქონე პრეტენდენტის დისკვალიფიკაციის შემდეგ, თუ მომდევნო დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/და ამ შესყიდვის ობიექტის საბაზრო ღირებულებას;
- 25.2 ხელშეკრულების დადებამდე ნებისმიერ დროს, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს ან/და საზოგადოებრივი ინტერესებიდან გამომდინარე;
- 25.3 კანონმდებლობით გათვალისწინებულ სხვა შემთხვევებში;
26. შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის, პრეტენდენტებს წარუდგინოს კონკრეტული მტკიცებულება ან დეტალური ინფორმაცია, რის საფუძველზედაც მიიღო აღნიშნული გადაწყვეტილება, აგრეთვე არ ანაზღაურებს შესყიდვაში მონაწილეობასთან დაკავშირებული ხარჯებს;
27. გამარტივებული ელექტრონული ტენდერის ან ელექტრონული ტენდერის ჩატარებისას, პრეტენდენტს ელექტრონული გარანტია დაუბრუნდება „გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის“ მე-2 მუხლის პირველი პუნქტის „ქ“, „რ“, და „ტ“ ქვეპუნქტებით გათვალისწინებული ეტაპების შემდეგ;
28. პრეტენდენტს ელექტრონული გარანტია არ დაუბრუნდებათ შემდეგ შემთხვევებში:
- 28.1 თუ პრეტენდენტი უარს იტყვის თავის სატენდერო წინადადებაზე;
- 28.2 თუ პრეტენდენტი შეყვანილია შავ სიაში შესაბამისი ტენდერის ჩატარების შედეგად;
- 28.3 თუ პრეტენდენტი დისკვალიფიცირებულია საკვალიფიკაციო მონაცემების დამადასტურებელი დოკუმენტების წარმოდგენლობის ან/და ხარვეზის მქონე საკვალიფიკაციო მონაცემების დამადასტურებელი დოკუმენტების წარდგენის შემთხვევაში.
- 28.4 თუ ხელშეკრულების დადების უფლების მოპოვების მიზნით პრეტენდენტი ჩაიდენს არაკეთილსინდისიერი ქმედებას.

29. ხელშეკრულების პროექტი მოცემულია სატენდერო დოკუმენტაციაში, რომელიც ხელშეკრულების დადების მომენტისათვის ექვემდებარება დაზუსტებას სატენდერო წინადადების შესაბამისად;
30. ტენდერთან დაკავშირებული ნებისმიერი დოკუმენტი ან ინფორმაცია წარმოდგენილ უნდა იქნეს ქართულ ენაზე. დოკუმენტაციის ან ინფორმაციის უცხო ენაზე წარმოდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. უცხოენოვან დოკუმენტსა და მის ქართულ ენაზე შესრულებულ თარგმანს შორის დავის არსებობის შემთხვევაში, პრიორიტეტის მინიჭების საკითხს წყვეტს სატენდერო კომისია;
31. პრეტენდენტის მიერ სისტემაში ატვირთული ნებისმიერი დოკუმენტი და ინფორმაცია ხელმოწერილი და ბეჭედდასმული უნდა იყოს უფლებამოსილი პირის მიერ.
32. სატენდერო პროცედურების განხორციელების ეტაპზე სუბკონტრაქტორის (სუბკონტრაქტორების) არსებობის შემთხვევაში სახელმწიფო შესყიდვების ერთიან ელექტრონულ სისტემაში უნდა აიტვირთოს პრეტენდენტსა და სუბკონტრაქტორებს (სუბკონტრაქტორებს) შორის გაფორმებული ხელშეკრულება (ხელშეკრულებები)

**ხელშეკრულება
სახელმწიფო შესყიდვების შესახებ № --- (პროექტი)**

ხელშეკრულების პირობების საბოლოო ვარიანტი შეიძლება დაზუსტდეს და
დაიხვეწოს ტენდერში გამარჯვებულ პრეტენდენტთან ხელშეკრულების გაფორმების
პროცესში.

წინამდებარე ხელშეკრულება დაიდო ----- 2012 წელს

1. ხელშეკრულების მხარეები

ერთის მხრივ, შ.პ.ს. „თბილსერვის ჯგუფი“ (შემდგომში „შემსყიდველი“) წარმოდგენილი მისი დირექტორის სახით, მეორეს მხრივ, ----- (შემდგომში „მიმწოდებელი“), წარმოდგენილი ----- სახით, მისამართი -----.

2. ხელშეკრულების საგანი

2.1 შემსყიდველის მიერ ჩატარებულ გამარტივებულ ელექტრონულ ტენდერში გაიმარჯვა მიმწოდებლის სატენდერო წინადადება, რომლის თანახმად, მიმწოდებელმა აიღო ვალდებულება გაუწიოს შემსყიდველს ----- მომსახურება;

შესყიდვის ობიექტის მოკლე აღწერა

3. ხელშეკრულების ღირებულება

3.1. შესასყიდი ობიექტის ფასი განისაზღვრება ეროვნულ ვალუტაში;

3.2. შესასყიდი მომსახურების ღირებულება (შემდგომში „ხელშეკრულების ღირებულება“) შეადგენს -----;
(ხელშეკრულების თანხა ციფრებით, სიტყვიერად)

4. შესასყიდი ობიექტის ხარისხი

4.1 მიმწოდებელი პასუხისმგებლობას კისრულობს, რომ გაწეული მომსახურება შეესაბამება ხელშეკრულებით განსაზღვრულ პირობებს და დააკმაყოფილებს შემსყიდველის მოთხოვნებს.

4.2 მიმწოდებელი აცხადებს, რომ გაწეული მომსახურება იქნება უნაკლო.

4. მომსახურების გაწევის პირობები

4.1. მომსახურების გაწევა ხორციელდება 2013 წლის 1 იანვრიდან 2013 წლის 31 დეკემბრის ჩათვლით.

6. შესასყიდი ობიექტის მიღება-ჩაბარების წესი

6.1 შესასყიდი ობიექტის მიღება ფორმდება შემსყიდველისა და მიმწოდებლის უფლებამოსილი წარმომადგენლების მიერ ხელმოწერილი მიღება-ჩაბარების აქტით, რაც ასევე ადასტურებს მიმწოდებლის მიერ ნაკისრი ვალდებულებების შესრულებას;

6.2 „მიმწოდებელი“ ყოველი თვის დამთავრებიდან არაუგვიანეს 5 სამუშაო დღეში წარუდგენს „შემსყიდველს“ მიღება-ჩაბარების აქტს.

6.3 მიმწოდებლის მიერ ნაკისრი ვალდებულებების შესრულება დასტურდება მხოლოდ მიღება-ჩაბარების აქტით;

6.4 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია, რომელიც შეიცავს

- ინფორმაციას საანგარიშო თვის განმავლობაში ქსელში ჩართული ნომრებისა და ლიმიტებით მოსარგებლე აბონენტების გახარჯული თანხის რაოდენობის შესახებ;
- 6.5 მომსახურების ხარჯთაღრიცხვით გათვალისწინებული მომსახურების მოცულობები შესაძლებელია შეიცვალოს აღმოჩენილი გასაწევი მომსახურების გათვალისწინებით, რაზეც გაფორმდება შესაბამისი მიღება-ჩაბარების აქტი
- 6.6 მიღება-ჩაბარებაზე უფლებამოსილ პირს წარმოადგენს შპს „თბილსერვის ჯგუფის“ საგეგმო-ეკონომიკური და შესყიდვების განყოფილების თანამშრომლები.

7. ანგარიშსწორება

- 7.1. შესასყიდი ობიექტის ღირებულება დაიფარება არა უგვიანეს 10 (ათი) კალენდარული დღისა მიღება-ჩაბარების (შესრულების) აქტის გაფორმების დღიდან;
- 7.2. ანაზღაურება მიმწოდებელთან განხორციელდება უნაღლო ანგარიშსწორების ფორმით, ეროვნულ ვალუტაში.

8. მხარეთა უფლება-მოვალეობანი

8.1 “შემსყიდველი” ვალდებულია:

- 8.1.1 ხელშეკრულებით გათვალისწინებული მომსახურების გაწევისას საქმის კურსში ჩააყენოს “მიმწოდებელი” ყველა განსაკუთრებული გარემოების შესახებ;
- 8.1.2 ხელშეკრულებით გათვალისწინებული პირობების შესაბამისად, აუნაზღაუროს “მიმწოდებელს” გაწეული მომსახურების ღირებულება;
- 8.1.3 აუნაზღაუროს მიმწოდებელს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით.
- 8.1.4 ხელი შეუწყოს მიმწოდებელს 2.1 მუხლით გათვალისწინებული მომსახურების სრულყოფილად ჩასატარებლად.

8.2 “შემსყიდველს” უფლება აქვს:

- 8.2.1 შეამოწმოს გაწეული მომსახურების შესაბამისობა ხელშეკრულებით გათვალისწინებულ პირობებთან. განახორციელოს კონტროლი და ზედამხედველობა “მიმწოდებლის” მიერ ხელშეკრულების პირობების დაცვაზე;
- 8.2.2 მოითხოვოს იმ ზიანის ანაზღაურება, რაც გამოწვეულია მიმწოდებლის მიერ ამ ხელშეკრულებით ნაკისრი ვალდებულებების შეუსრულებლობით ან არაჯეროვანი შესრულებით;
- 8.2.3 მოითხოვოს მიმწოდებელს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;

8.3 “მიმწოდებელი” ვალდებულია:

- 8.3.1 დაიცვას ხელშეკრულებით გათვალისწინებული ყველა პირობა;
- 8.3.2 გაუწიოს შემსყიდველს ამ ხელშეკრულების 2.1 მუხლში აღნიშნული მომსახურება;
- 8.3.3 ხელშეკრულებით გათვალისწინებული მომსახურების გაწევისას საქმის კურსში ჩააყენოს “შემსყიდველი” ყველა განსაკუთრებული გარემოების შესახებ;
- 8.3.4 აუნაზღაუროს შემსყიდველს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით;
- 8.3.5 საკუთარი ხარჯებით გამოასწოროს გამოვლენილი ნაკლი;

8.4 “მიმწოდებელს” უფლება აქვს:

- 8.4.1 წარუდგინოს შემსყიდველს ფიზიკურად გაწეულ მომსახურებასთან დაკავშირებული სრული დოკუმენტაცია, რომელსაც ხელი მოეწერება მიმწოდებლის მიერ გაწეული მომსახურება შემსყიდველის მიერ ხარისხობრივი შემოწმების და მოწონების შემდეგ და მოითხოვოს გაწეული მომსახურების ღირებულების ანაზღაურება ხელშეკრულებით გათვალისწინებული პირობებით;
- 8.4.2 მოითხოვოს “შემსყიდველს” გაწეული მომსახურების ღირებულების ანაზღაურება ხელშეკრულებით გათვალისწინებული პირობებით;
- 8.4.3 მოითხოვოს შემსყიდველს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;

9. ხელშეკრულების პირობების შეუსრულებლობა

- 9.1 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისათვის მხარეს ეკისრება პირგასამტეხლო შეუსრულებელი ვალდებულების ღირებულების 0.5 % ოდენობით;
- 9.2 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური მოცულობა გადააჭარბებს ხელშეკრულების ღირებულების 5%-ს, შემსყიდველს უფლება აქვს ცალმხრივად შეწყვიტოს ხელშეკრულება;
- 9.3 საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან;

10. ხელშეკრულების ინსპექტირების პირობები

- 10.1 შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელონ კონტროლი მიმწოდებლის მიერ ნაკისრი ვალდებულებების შესრულებაზე და განახორციელონ მომსახურების ხარისხის პერიოდული ინსპექტირება;
- 10.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს შემსყიდველი;
- 10.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა;
- 10.4 ხელშეკრულებით განსაზღვრული პირობების კონტროლს განახორციელებს შ.პ.ს. „თბილსერვის ჯგუფი“-ს საგემო-ეკონომიკური და შესყიდვების განყოფილება;

11. ხელშეკრულების შეწყვეტა

- 11.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;
- 11.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება და მისი მიღების საფუძველი;
- 11.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;
- 11.4 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:
 - 11.4.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - 11.4.2 მიმწოდებლის გაკოტრების შემთხვევაში;
 - 11.4.3 საქართველოს კანონმდებლობით გათვალისწინებულ სხვა შემთხვევებში.
- 11.4.4 შემსყიდველი უფლებამოსილია შეწყვეტოს წინამდებარე ხელშეკრულების მოქმედება ასევე სხვა საფუძველების არსებობის შემთხვევაში.

12. ხელშეკრულების პირობების გადასინჯვა

- 12.1 მხარეები უფლებამოსილნი არიან მოახდინონ ხელშეკრულების პირობების გადასინჯვა და ცვლილება შეიტანონ მოქმედ ხელშეკრულებაში;
- 12.2 ხელშეკრულებაში ცვლილების შეტანის ინიციატორმა მხარემ წერილობითი სახით უნდა აცნობოს მეორე მხარეს შესაბამისი დასაბუთებული ინფორმაცია;
- 12.3 დაუშვებელია ხელშეკრულებაში იმგვარი ცვლილების შეტანა, რომლითაც უარესდება ხელშეკრულების პირობები შემსყიდველი ორგანიზაციისათვის ან

იზრდება ხელშეკრულების ღირებულება, გარდა საქართველოს სამოქალაქო კოდექსის 398-ე მუხლით, „სახელმწიფო შესყიდვების შესახებ“ საქართველოს კანონის და „სახელმწიფო შესყიდვების განხორციელების წესის შესახებ“ დებულებით“ გათვალისწინებული შემთხვევებისა;

- 12.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად;

13. ფორსმაჟორი.

- 13.1 მხარეები არ აგებენ პასუხს ხელშეკრულებით გათვალისწინებული ვალდებულების მთლიანად ან ნაწილობრივ შეუსრულებლობისათვის, თუ ეს გამოწვეულია ფორსმაჟორული გარემოების დადგომის გამო და თუ ეს დაიწყო ან განვითარდა ხელშეკრულების დადების შემდეგ;
- 13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, ემბარგოს დაწესებით, დაფინანსების მკვეთრი შემცირებით და სხვა;
- 13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან;

14. ხელშეკრულების მოქმედების ვადა

- 14.1 ხელშეკრულების მოქმედების ვადა განისაზღვრება ხელშეკრულების ხელისმოწერის დღიდან და ძალაშია -----წლის ----- ჩათვლით;

15. დავები და მათი გადაწყვეტის წესი

- 15.1 წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას მხარეთა ერთობლივი მოლაპარაკების საფუძველზე;
- 15.2 თუ “შემსყიდველი” და “მიმწოდებელი” მოლაპარაკების დაწყებიდან 10 (ათი) დღის განმავლობაში ვერ შეძლებენ შეთანხმების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით;

16. სხვა პირობები

- 16.1 ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით;
- 16.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;
- 16.3 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით;
- 16.4 წინამდებარე ხელშეკრულების რომელიმე პუნქტის ბათილად ცნობა არ იწვევს მთელი ხელშეკრულების ან მისი სხვა პუნქტების ბათილობას;

- 16.5 წინამდებარე ხელშეკრულება არ შეიცავს არანაირ სიტყვიერ დამატებას.
- 16.6 დანართები წარმოადგენენ ამ ხელშეკრულების შემადგენელ, განუყოფელ ნაწილს და მოქმედებენ მხოლოდ მასთან ერთად.
- 16.7 მხარეებს შორის ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;
- 16.8. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილია მხარეთა მიერ;
- 16.9 ხელშეკრულება შედგენილია 2 (ორი) თანაბარი იურიდიული ძალის მქონე ეგზემპლარად, ქართულ ენაზე. 1 ეგზემპლარი ინახება შემსყიდველთან, 1 ეგზემპლარი გადაეცემა მიმწოდებელს;
- 16.10 გამარჯვებული პრეტენდენტის სატენდერო წინადადება და დანართები თან ერთვის წინამდებარე ხელშეკრულებას და წარმოადგენს მის შემადგენელ ნაწილს;
- 16.11 ყოველივე ზემოაღნიშნულის დასადასტურებლად, სათანადო უფლებამოსილებით აღჭურვილმა ქვემოთ აღნიშნულმა პირებმა ხელი მოაწერეს წინამდებარე ხელშეკრულებას;

17. მხარეთა ხელმოწერები და რეკვიზიტები

“შემსყიდველი”

შ.პ.ს. „თბილსერვის ჯგუფი“
დირექტორი

“მიმწოდებელი”

საბანკო რეკვიზიტები:

შპს “თბილსერვის ჯგუფი”

მის: ქ. თბილისი, კახეთის

გზატკეცილი №67

საიდ. კოდი: 206267494

ს.ს "ლიბერთი ბანკი"

ცენტრალური ფილიალი

კოდი: კოდი: LBRTG22

ანგ. № GE90LB0113172770216000

ტექნიკური დოკუმენტაცია

1. ანგარიშსწორების პირობები:

- 1.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული მომსახურების გაწევასთან დაკავშირებული ყველა გადასახადის ჩათვლით;
- 1.2 ანგარიშსწორება განხორციელდება უნაღლო ანგარიშსწორების ფორმით ეროვნულ ვალუტაში;
- 1.3 ანგარიშსწორება განხორციელდება ეტაპობრივად მიღება-ჩაბარების აქტის გაფორმებიდან 10 დღის განმავლობაში;
- 1.4 საავანსო ანგარიშსწორება არ გამოიყენება.

2. ალტერნატიული სატენდერო წინადადება არ განიხილება;

3. მომსახურების გაწევა ხორციელდება 2012 წლის 1 იანვრიდან 2012 წლის 31 დეკემბრის ჩათვლით.

4. პრეტენდენტის მიერ სისტემაში უნდა აიტვირთოს შემდეგი დოკუმენტები:

- ა) რეკვიზიტები (დანართი 2-ის ფორმით);
- ბ) მომსახურების ხარჯთაღრიცხვა (დანართი № 3-ის ფორმით);
- გ) მომსახურების ხარჯთაღრიცხვის მე-20 პოზიციაში მოცემული მომსახურების ამსახველი პრეისკურანტი;
- დ) ე.წ. საოჯახო ნომრებზე გასაწევი მომსახურების ანგარიშსწორების პირობები.

გასაწევი მომსახურების ტექნიკური დავალება

შესყიდვის ობიექტია შ.პ.ს. „თბილსერვის ჯგუფის“ მფლობელობაში არსებული 600 სატელეფონო ნომრებზე მობილური (ფიჭური) GSM ოპერატორის მომსახურება 900/1800 MHZ დიაპაზონზე საქართველოს ფარგლებში (ასევე საქართველოს ფარგლებს გარეთ როუმინგული მომსახურება). დაფარვის ზონა – საქართველოს დედაქალაქი, ავტონომიური რესპუბლიკები და ყველა რეგიონი.

№	დასახელება	განზომილება	რაოდენობა
	1	2	3
1	კორპორატიული ტარიფი (სააბონენტო გადასახადი)	ნომერი	600
2	ჯგუფის შიგნით შეუზღუდავი ზარი	უღირს	
3	კომპანიის შიდა ქსელში ზარის წამოწევა	წუთი	170000
4	კომპანიის შიდა ქსელში ზარის ღირებულება	უღირს	
5	საქართველოს ნებისმიერი სხვა ქსელის მიმართულებით განხორციელებული ზარების წამოწევა	წუთი	170000
6	საქართველოს ნებისმიერი სხვა ქსელის მიმართულებით განხორციელებული ზარები	წუთი	170000
7	SMS	ცალი	180000
8	MMS	ცალი	2100
9	WAP/GPRS ინტერნეტი (30 მგ/ბ უფასო ლიმიტი თითოეულ ნომერზე)	გ/ბ	18000
10	სიმ ბარათის აღება - უფასო	უღირს	
11	ნომრის შეცვლა - უფასო	უღირს	
12	ფლობელის შეცვლა - უფასო	უღირს	
13	დეტალური ანგარიში - უფასო	უღირს	
14	ნომრის დაფარვის სერვისის ჩართვა - უფასო	უღირს	
15	ნომრის დაფარვის სააბონენტო - უფასო	უღირს	
16	დაფარული ნომრის ამომცნობის სერვისის ჩართვა - უფასო	უღირს	
17	დაფარული ნომრის ამომცნობის სააბონენტო - უფასო	უღირს	

18	SMS მდივანის სააბონენტო - უფასო	უღიმით	
19	სიმ ბარათის შეცვლა - უფასო	უღიმით	
20	სხვა დამატებითი მომსახურებები, რომლებიც არ არის გათვალისწინებული ტექნიკურ დავალებაში, მათ შორის საერთაშორისო მიმართულებით განხორციელებული ზარები; SMS; MMS; როუმი (უდეპოზიტო); ასევე სატელეფონო ოპერატორების გამოყენებით განხორციელებული ზარები; მაღალსიხშირის ინტერნეტი	ლარი	30000

შენიშვნა:

1. ზემოაღნიშნულ ტენდერში არაპროვაიდერი კომპანიის გამარჯვების შემთხვევაში, მომსახურების დაწყებამდე (არაუგვიანეს 2013 წლის 1 იანვრისა) უნდა განხორციელდეს სატელეფონო ნომრების პორტირება იგივე სატელეფონო ნომრებით. პორტირება უნდა განხორციელდეს საქართველოს კომუნიკაციების ეროვნული კომისიის 2010 წლის 06 ივლისის № 3 დადგენილების შესაბამისად, რა დროსაც უზრუნველყოფილი უნდა იქნას სატელეფონო მომსახურების უწყვეტობა. პორტირებასთან დაკავშირებული ყველა მომსახურება უნდა განხორციელდეს მიმწოდებლის მიერ საკუთარი სახსრებით, შემსყიდველის მხრიდან ყოველგვარი ხარჯების გაწევის გარეშე.
2. პრეტენდენტის მიერ მომსახურების ხარჯთაღრიცხვის შევსებისას, ასევე მის მიერ ელექტრონულ ვაჭრობაზე შეცვლილი ფასის დაფიქსირების შემთხვევაში გასაწევი მომსახურების ტექნიკური დავალების 20-ე პოზიციაში მითითებული ღირებულება 30 000 ლარი რჩება უცვლელი და შეუცვლელად უნდა იქნას გათვალისწინებული სატენდერო წინადადების მთლიან ღირებულებაში.
3. გასაწევი მომსახურების ტექნიკური დავალების 20-ე პოზიციაზე პრეტენდენტმა უნდა წარმოადგინოს პრეისკურანტი, რომლის ფასების გაზრდა დაუშვებელია მომსახურების გაწევის პერიოდში, ხოლო შემცირება სავალდებულოა ფასდაკლების აქციების დროს;
4. დამრგვალება ადგილობრივ ზარებზე უნდა განხორციელდეს 1 წმ-იანი სიზუსტით;
5. ტენდერში გამარჯვებულ კომპანიას ხელშეკრულების გაფორმებისას გადაეცემა სატელეფონო ნომრების სია და ინფორმაცია თითოეული სატელეფონო ნომრის ლიმიტის შესახებ;
6. ტენდერში გამარჯვებულმა კომპანიამ უნდა განახორციელოს მომსახურება ე.წ. „საოჯახო ნომრებზე“. ტენდერის შედეგად გაფორმებული ხელშეკრულებით განსაზღვრული იგივე პირობებით, გარდა ანგარიშსწორების პირობისა.

დამატებითი ინფორმაცია

სატენდერო დოკუმენტაციასთან დაკავშირებული განმარტებების მიღება პრეტენდენტებს შეუძლიათ სატენდერო კომისიის აპარატში წერილობითი მიმართვის შემთხვევაში ქ. თბილისი, კახეთის გზატკეცილი 67. საკონტაქტო პირები: მამუკა რუსაძე +995322611839; ლაშა ჭანტურიშვილი +995322611850;

e-mail: tbilservicegroup@yahoo.com

აფიდავითი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვანერო ამ აფიდავითს და წარვადგინო ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულია კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მინოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავეცანი ამ აფიდავითის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავითი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

რეკვიზიტები

პრეტენდენტის ორგანიზაციულ-სამართლებრივი ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული ფოსტა:

ბანკის კოდი:

ანგარიშწორების ანგარიში:

2. სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი:

მომსახურების ხარჯთაღრიცხვა

პრეტენდენტის დასახელება -----

№	დასახელება	განზომილება	რაოდენობა	ერთეულის საგარაუდო ღირებულება	პრეტენდენტის მიერ შემოთავაზებული ერთეულის ღირებულება (არაუმეტეს მე-4 გრაფის თითოეულ პოზიციაზე მოცემული ერთეულის საგარაუდო ღირებულებისა	საერთო ღირებულება
	1	2	3	4	5	6
1	კორპორატიული ტარიფი (სააბონენტო გადასახადი)	ნომერი	600	არაუმეტეს 1.0 ლარი (სააბონენტო ერთი თვე)		
2	ჯგუფის შიგნით შეუზღუდავი ზარი	უღიმიტო	უფასო			
3	კომპანიის შიდა ქსელში ზარის წამოწევა	წუთი	170000	არაუმეტეს 0.05 ლარი		
4	კომპანიის შიდა ქსელში ზარის ღირებულება	უღიმიტო	უფასო			
5	საქართველოს ნებისმიერი სხვა ქსელის მიმართულებით განხორციელებული ზარების წამოწევა	წუთი	170000	არაუმეტეს 0.05 ლარი		
6	საქართველოს ნებისმიერი სხვა ქსელის მიმართულებით განხორციელებული ზარები	წუთი	170000	არაუმეტეს 0.10 ლარი		
7	SMS	ცალი	180000	არაუმეტეს 0.02 ლარი		
8	MMS	ცალი	2100	არაუმეტეს 0.10 ლარი		
9	WAP/GPRS ინტერნეტი (30 მგ/ბ უფასო ლიმიტი თითოეულ ნომერზე	გ/ბ	18000	არაუმეტეს 0.35 ლარი		
10	სიმ ბარათის აღება	უღიმიტო	უფასო			

11	ნომრის შეცვლა	უღიმიტო	უფასო			
12	მფლობელის შეცვლა	უღიმიტო	უფასო			
13	დეტალური ანგარიში	უღიმიტო	უფასო			
14	ნომრის დაფარვის სერვისის ჩართვა	უღიმიტო	უფასო			
15	ნომრის დაფარვის სააბონენტო	უღიმიტო	უფასო			
16	დაფარული ნომრის ამომცნობის სერვისის ჩართვა	უღიმიტო	უფასო			
17	დაფარული ნომრის ამომცნობის სააბონენტო - უფასო	უღიმიტო	უფასო			
18	SMS მდივანის სააბონენტო	უღიმიტო	უფასო			
19	სიმ ბარათის შეცვლა	უღიმიტო	უფასო			
20	სხვა დამატებითი მომსახურებები, რომლებიც არ არის გათვალისწინებული ტექნიკურ დავალებაში, მათ შორის საერთაშორისო მიმართულებით განხორციელებული ზარები; SMS; MMS; როუმინგი (უდეპოზიტო); ასევე სატელიტური ოპერატორების გამოყენებით განხორციელებული ზარები; მაღალსიჩქარიანი ინტერნეტი					30000

პრეტენდენტის ხელმოწერა

შენიშვნა:

- მომსახურების გაწევის ვადა – 2013 წლის 1 იანვრიდან 2013 წლის 31 დეკემბრის ჩათვლით;
- პრეტენდენტის მიერ მომსახურების ხარჯთაღრიცხვაში შესაბამის პოზიციებზე დაფიქსირებული ერთეულის ფასი არ უნდა აღემატებოდეს მომსახურების ხარჯთაღრიცხვაში შესაბამის პოზიციებზე დაფიქსირებულ ერთეულის საგარაუდო ღირებულებას;
- დამრგვალება ადგილობრივ ზარებზე უნდა განხორციელდეს 1 წმ-იანი სიზუსტით
- ტენდერში გამარჯვებულმა კომპანიამ უნდა განახორციელოს მომსახურება ე.წ. საოჯახო ნომრებზე ტენდერის შედეგად გაფორმებული ხელშეკრულებით განსაზღვრული იგივე პირობებით, გარდა ანგარიშსწორების პირობისა.